

誠齋集

誠齋集卷第二十一

廬陵楊

万里

廷秀

詩

朝天集

寄題喻叔奇國博郎中園亭二十六詠

金谷惟堪貯俗塵
輞川今復得詩人
先生道是貧
到骨猶有山園斗大春

右亦好園

洞庭張樂起天風
玉磬吹來隨圃中
却被仙人鎔
作水為君到底寫秋空

右磬湖

烏龍灘下白雲堆上有狂奴舊釣臺一夕被君偷
取去至今猶帶漢莓苔

右釣磯

春有兒孫夏有朋月中寒影雨中聲臘晴銷盡一
園雪為底林間雪不晴

右蘆葦林

亦好園中亦好亭兩重好處兩重貧客來莫道無
供給抹月批風當八珍

右亦好亭

冰為仙骨水為肌意淡香幽祗自知青女素娥非
耐冷一生耐冷是橫枝

右橫枝

橫枝直下是清池花映清池水映枝知是君描和
靖句不知和靖寄君詩

右清淺池

舊繞新縈綠萬蟠架餘籬剩復垂欄先生醉帽堆
香雪知自茶蘼洞裏還

右茶蘼洞

湧岫跳峯尺許寬坐着雲霧起岩間九疑荒遠巫

陽險未必真山勝假山

小山

錦障豪華笑駭童松圖冷淡惱山翁玉山頽處誰
扶着花作屏風倚暖紅

右花屏

青士從來一徑幽碧衫翠袖佩蒼璆何年筆戰明
光殿奪得詩仙紫綺裘

右紫君林

水精方局石橋仙知是柯山幾伐孫月借繁星作
碁子夜寒晴得一金盆

右方池

亦好亭兼弄月亭磬湖不許兩通行誰拖蠅螬湖
光尾便有先生拄杖聲

右野橋

身在京師夢在鄉黃花又是一番黃平生不鮮淵
明語菊却猶存徑却荒

右菊徑

兩餘想見藥苗肥薯蕷堪羨美把可齧老賊何須投
益智先生只要買當歸

右藥畦

碧天如水水如天月入湖中璧樣圓却被先生來

弄碎一團成百百成千

右弄月亭

桃李無言照水光
玻瓈盆底洗新粧
不須水上紅雲句
水上紅雲不解香

右花嶼

柳下湖光淨一天
湖邊垂柳起三眠
小蠻自倚腰支裊
照鏡梳頭曉月前

右柳隄

名園曲水費工夫
玳瑁磨滴水無誰把流觴借
詩老天生九曲一米渠

右曲水

秧疇水落荇渠尖玉石當中碧一奩石面平鋪波
面皺千花織出水精簾

右水簾

渠水來從林外泓水知湖近各爭鳴何人月下攜
枯木寫取穿雲落澗聲

右水樂

石友拳然萬仞姿竹君嘯處一川漪更無二客隨
巾屨誰見先生覓句時

右竹巖

鴈下菰蒲報夕寒鷺將荇藻作朝餐野塘只許野
人到不要金張許史看

右野塘

詩人性癖愛看山曉坐堂中夕嬾還只對月山無
限好月山外面八雙鬟

正對十
六峯

右愛山堂

細雨初憐濕翠裳新晴特地試紅粧無人會得東
風意春色都將付海棠

右海棠塢

昔人只解笑移山未信移山不作難一昨月山三

里外先生撥取近欄干

右月山

題永新吳景蕪主簿梯雲樓

誰道青雲不可梯
君家樓閣與雲齊
諍臣內相名垂日
諫草詞頭字印泥
我昔曾為禾水客
夢中猶憶義山西
仇香自有家聲在
豈使鸞皇棘上栖

題安城趙寬之慈順堂

天潢龍種與人殊
五鳳仍傳萬卷書
象服在堂萱草暖
綵衣上壽棣華初
雪中密竹能抽筍
水底寒江更躍魚
趙氏弟兄俱玉樹
良齊文字即瓊琚

寄題曾子與競秀亭

老夫上下蓼花灘每過君家輒繫船
尊酒燈前山入座孤鴻月底水連天
暄涼書問二千里場屋聲名三十年
競秀主人文似豹不應霧隱萬峯邊

送朝士使虜

又見皇華賦北征謫仙俊氣似秋鷹
詩成紫塞三更月馬渡黃河十丈冰
趙北燕南有人否禽胡歸漢竟誰曾
天家社稷英靈在佳氣時時起五陵

冬至稱賀

紫宸殿及

德壽宮

宮燭奔忙下玉除
晨曦拂掠麗儲胥
東西班動雲開合
敬言蹕聲來電卷
舒隆準衣裳紅一點
御香煙霧碧千廬
勛華二聖天齊壽
垂歲年年賀

帝居

冬至後賀

皇太子及

平陽郡王

長樂鐘聲攪夢驚
建章星影照人行
千官燈語聽殘點
一夜霜寒在五更
金鑰王篋開北闕
銀鞍系

控謁東明青宮朱邸環天極五色祥雲覆帝城

跋張功父通判直閣所惠約齋詩乙藁

句裏勤分似燈前得細膏孤芳後山種一瓣放翁
香苦處霜爭澀臞來鶴校強不應窮活計公子也
忙忙

張功父舊字時可慕郭功父故易之求予
書其意再贈五字

水雪相投處風期一笑間只今張挂隱絕慕郭青
山功父雙何遠相如了不關鳥飛暮天碧此句急
追還

走筆和張功父玉照堂十絕句賦對詩話

健青新走一梢長外日東風引得狂定自今番春
色裏新枝別樣占年光
年年春信遣人疑賺出詩人枉覓詩着意探梅偏
不發月斜偶見一橫枝
騷女癡兒揔愛梅道人衲子亦爭栽何如雪後瓊
瑤跡印記詩人獨自來
梅詩脫草已流傳要趁梅前更雪前喚醒誠齋山
裏夢落英如雪枕輒眠
紅紅紫紫儘紉紉韻處終輸度嶺君未說王花水

雪骨新陰先綠丰春雲

常年十月未花開雪片今年九月回便有早梅隨
早雪一枝笑看萬花摧

今歲畧無霜報寒忽然一夜雪漫漫雪花要作梅
花地十月早梅和雪看

老見千花眼便昏憶梅長為賦招蒐只今身住西
湖上不羨淮南嶺上村

玉照堂中瀾早茶下臨溪水織紋紗十詩小試春
風手催發溪梅兩岸花

老嬾狂吟不要工愛君七字晉唐風更煩傳語梅

花道火急齊開小至中

曉經八盤嶺赴

東宮講堂

至前至後恰多晴山北山南間一登瘦石經霜乾
脫蘚細泉滴澗旋成水海波貫日紅千丈江霧紫
樓玉萬層資善堂前得春早宮梅一朵掠觚稜

出北關門送李舍使虜

同寮緩轡出承華又送雙星水北涯霜外汀洲蘆
葉曉雪餘園圃竹梢斜只驚睡起猶殘月不覺
時已落霞白首鴛行徒索米故山今日政梅花

赴

文德殿聽麻仍拜表

蒼龍觀闕啓槐宸
白玉堦除振鷺群
仗外諸峯獻
松雪霜前一鴈度
宮雲舍人就日宣
麻削丞相瞻
天進表文夙退自
攸還自笑素餐便
當策殊勲

跋尤延之山水兩軸

水際蘆青荷葉黃
霜前木落蓼花香
漁舟去盡天
將夕雪色飛來鷺
一行

水漱瓊沙水已澌
野鳧半起半猶遲
千竿脩竹一
江碧只欠梅花三
兩枝